欽 定 全 唐

文

はつ かけんになっ とり へんこう 欽定全唐文卷一 楊烱二 送徐録事詩序 李舍人山亭詩序 崇文館宴集詩序 羣官尋楊隱居詩序 晦日藥園詩序 登秘書省閣詩序 送弃州旻上人詩序 一百九十 一目錄 目録 新文藝出版社藏

多分 全唐文一卷一百九十一 宴皇甫兵曹宅詩序 梓州惠義寺重閉銘并序 宴族人楊八宅序 送東海孫尉詩序 公獄辩 梓州官僚贊 王勃集序

龍神頁圖出於河洛司先王之載籍掌制書之典謨劉向 蓬萊之室觀星文而考南北大象入於幾衡披帝冊而質 钦定全唐文《卷一百九十一 楊炯 事業心同匪石達人千載之交手握靈珠文士一都之會 若夫麒麟鳳凰之署三臺四部之經周王羣玉之山漢帝 欽定全唐文卷 一百九十 楊炯二 焉游處真不出言斯善有道可尊黼黻其德行珪璋其 研揚雄寂寞之士於兹翰墨馬融該博傅毅文章之才 登秘書省閣詩序

雲有似安仁之與列芳饌命雕觴扼腕抵掌劇談戲笑假 帶寒暑由其隔濶豈直崑崙十二瀛海千尋西州有百 其重欄四絕閣道三体紅梁紫柱金鋪玉碼平看日月唐 養於青天高而九州迥登山臨水無非宋玉之詞高閣 **閩之門日在中衡之道煙雲悽慘白露下而四郊空林** 使神仙可得自茂松裔富貴在天終輕許史聞之以博 之樓東國有千秋之觀於時五行金王八月秋分風生 都之物候可知坐望山川裴秀之與圖在即虹蜺為之 沿寡務油素多閒命蘭芷之君子坐芸香之秘閣徒觀 回 間

申之以詠歌陶陶然樂在其中矣登高而賦羣公陳力於 音降明記封紫泥於璽禁傳墨令於銀書齒於成均所以 馳道有父子君臣之道焉有夏干冬羽之事焉於是發德 乾男之位因心也孝常問安於寢門行已也恭每不絕於 者所以費其庸易所謂照於四方禮所謂貞於萬國皇家 天下之器也神立貳者所以經其化聖人之寶也大建儲 大夫聞善若驚下走自強於元晏輕為序引級在辭章 中樞北極清都有天子之宮儲后以大火前星蒼震有 **崇文館宴集詩序** 易冏

約合解署星分左輔右弼之宮此焉攸集先馬後車之 繚繞丹禁逐巡魚鑰則環鎖長開雀窗則銅樓旦關周廬 揖讓觀禮儀之溢目合異離堅聞辨論之盈耳八珍芳無 之簡才論奏者八人同赤烏之下士莫不搢紳舊德縫掖 寒溫取適於四時一獻雕觞賓主交惟於百拜爾其青垣 明其長幼通於博望所以昭其賓客東方曼倩之文史即 而金相黼黻其詞雲蒸而電激琴書暇景風月名辰周旋 預祺祠角里先生之羽翼仍參獻壽為賓者四友等黃龍 儒衣簪拜高闕之門擊駕陪直城之路琢磨其道玉質 万全唐文 卷一百九十一

於是乎在顧循庸非濫沐思榮屬多士之後塵預羣公之 臺左右煙霞棲梁棟之間竹樹在汀洲之外龜山對出背 帝力小子狂簡題其弁云 欽定全唐文《卷百九十一楊州 燕臺之石千年有屬咸蹈舞於時康四坐勿喧請謳歌於 木坐聽等华於北里退思齊國之音觀壞寶於東山自恥 東武而飛來鶴阜相臨向東吳而不進青溪數曲亦巖千 水嘉有高陽公山亭者今為李舍人别墅也廊宇重複樓 文家廓兮惚恍似蓬嶺之難行深邃兮則然若桃源之失 李舍人山亭詩序

隙五日歸休奏金石而滿堂召琳琅而觸目心焉而醉德 孟嘗之待客照飯無疑孔文舉之邀懼樽中自溢三冬事 富文史言成準的該革為漢帝之親凡蔣是周公之裔田 馬而飽大隱朝市本無車馬之喧不出户庭坐得雲霄之 習氏不游終成濮陰之地其人也凝脂點漆瓊樹瑶林學 路信可謂赤縣幽棲黃圖勝景從來八子嗣高陽之邑居 致於是乎百年無幾萬事徒勞唯談笑可以遣平生唯文 今日四郊逢舍人之置驛故知樊家失業遂作庾公之園 可以陳心賞旣因良會咸請賦詩雖向之所歡已爲陳

迹俾千載之下感於斯文 文易占清風之卦聖主以協時同律義在於省方皇儲以 孟夏四月始以內率府錄事出攝着溪縣主簿同彼漆園 徐學士風流得得容貌堂堂汝南則顏子更生洛陽則神 於班固懷岐幡之舊迹想江漢之遺風學在於永淳元年 人重出書有萬覽之者實符於鄭元州有九游之者頗類 行紛紅而戒道是日也鶴鳴於野龍昇於天詩成流火之 ラミングニューニ ,莊周聊居賤職異乎安平之梁竦不憚勞人騑贂而欲 送徐錄事詩序 奶网

愁之所何以處我戒之必軾何以贈行上路不拜孫子 易坐覺悲來平原二客追子高而已遠河上諸公餞林宗 善交平生之故友臨御溝而帳飲就離亭而出宿居成别 多好全唐文《卷一百九十 况乎人生天地微鎮東西良時美景始雲蒸而電激臨 傾國之送豈若是乎潘安仁金谷之篇盡於斯矣 守器承祧任隆於監國留臺務靜博望時間於是久敬之 而有慕兩鄉風月萬里江山修路為下泣之思長天非寄 三元日月不能改弦望之期四序炎凉不能移變通之運 送并州旻上人詩序 オノ 四

之宏才深期上德芝蘭一面暫悅新知垂棘連城將游舊 之别左右為之魂動金石由其色變恒山岱岳看寶鼎於 奇神情獨王法門梁棟豈非龍象之雄晉國英靈即是河 動編觀天下暫游城闕劉真長之遠致雅契高風習鑿齒 汾之寶道尊德貴所以名稱並聞盡性窮神所以身心不 登山忽風流而雨散道之常也復何言哉旻上人天骨多 とことをあたり シニームトー 楊炯 府雞山法衆餞行於素產之濱麟閣良朋祖送於青門之 而城隍晚雲中振錫有如鴻鵠之飛水上乘杯更似神仙 是日也河山雨氣原野秋陰風烟凄而禁藥寒草木落

盛節金石絲簧之變是則忠信之薄飾容貌於矜莊風俗 風雲帝里神州對長安於白日兩鄉綿邈何當惠遠之游 多分全月文 第一下九十 天下皆知禮之為貴用周旋揖讓之儀天下皆知樂之為 機心照神交混榮辱於是非之境非若諸公者大夫之相 編之簡牘 知也以為煙霞可賞歲月難留巡欲極干載之交歡窮百 被陶性靈於歌舞殊不知達人君子遺形骸於得喪之 里相思空有關山之望羣賢愈議咸可賦詩題其爵里 晦日樂園詩序

場者也於時丁丑之年孟春之晦歲陰入於星紀斗柄臨 然後搴杜若藉芝蘭高論參元飛觸舉白凡我良友同聲 以救人山圖採之而得道姮娥竊之而奔月若斯而已哉 飲乃有神州福地上藥中園左太沖所云當衢向術潘安 於析木衣冠雜沓出城闕而盤游車馬駢闡俯河濱而帳 年之樂事莫不如珪如璋令聞令望濟濟鏘鏘同會於文 加以回溪漱石茂林脩竹澹風日之逶迤妙山泉之體勢 仁以為面郊後市九並仙草搖八卦之祥風四照靈葩泣 三危之寶露豈直帝神農旋赤鞭而驅毒崔文子據朱幡 こことまった、ここし、コー 場例

官厚禄非保全之地所以列坐義皇之代安歌帝堯之力 鳳戢龍蟠方圓作其輿蓋日月為其局牖天光下燭懸少 若夫太華千仞長河萬里則吾土之山澤壯於域中西漢 若使適情知足則玉帛子女為伐性之源達變通機則尊 多分全屋文一卷一百九十 眾作列之於後 相應心冥龍唇推富貴於皇天事一 陽光稍晚高與未關請諸文會之游共紀當年之事凡厥 **十輪東京四代則吾宗之人物盛於天下乃有渾金璞玉** 羣官尋楊隱居詩序 一館通任運隨於大命

得三府不敢以辟命相期與夫形在江海心游魏闕跡混 以咳唾以無事為貴比於常於糞土諸侯不敢以交遊 賢以公私有暇体沐多閒忽乎將行指林壑而非遠莞 易失寒山四絶煙霧蒼蒼古樹千年藤蘿漠漠誅茅作室 而笑覽煙霞而在矚登块比踐黃苔阮籍之見蘇門止 照嘯 盧敖之逢高士 詎識為 肩憶桑海而無時問桃源 中皇駐蹕將尋大隗之居堯帝省方終全順陽之節羣市名為大隱可得同年而語哉天子巡於下都望於中 之一星地氣上騰發大雲之五色以不貪為實均珠玉

欽定全唐文 卷 百九十 勞郭璞之言招隱成文敢嗣劉安之作 若夫風雲龍虎水火陰陽隔千里而應之莫不潛契於同 漢南石宫坊抵掌於河朔高侯邦之司直下走齊之濫吹 皇甫君冠冤於安定李校書羽儀於隴西岑正字明目於 趣浮杯若聖已蔑松喬清論凝神坐為河漢游仙可致無 境遍窺靈跡論其八洞實惟明月之官相其五山即是交 掛席為門石隱磷而環階水潺湲而匝砌乃相與菊求勝 風之地仙臺可望石室猶存極人生之勝踐得林野之奇 宴皇甫兵曹宅詩序

京矣是日也河圖適至海鯨初死五嶽四瀆漢皇帝崇其 聲矣聖明千載區字一家掩八紅以得之莫不高會於中 欽定全唐文人卷一百九十 宴先生開甲第而留賓二三君子赴龍門而廣燕陰雲已 墨肅氣彌高霜寒萬里之園冰納千金之水面郊後市即 於我心四海何求為樂止於名教抽毫進贖皆請賦詩日 為潘岳之居累代通家咸言李膺之客百年何計相知在 **鲁途遠聊裁序引** 日三朝周天子展其莊敬君臣慶色朝野歡心元 送東海孫尉詩序 楊烱

為後時凡我友朋無勞疑别徒以士之相見人之相知必 訪還疑上苑之中日月不占更似靈臺之下彼其之子未 等差敘中外為優劣殊不知三元合朔九州同軌蓬瀛可 候乘槎之客未能免俗何莫賦詩綴集衆篇列之如左 運 東川孫尉文章動俗符彩射人官裁下士宣大夫之三德 侯遠離隔矣但當是看旅為君逢繁帛之書夕望牽牛余 欲軒益逢迎朝游夕處亦常煙波阻絕風流雨散去矣孫 偶上皇作東南之一、尉庸才擾擾流俗喧喧談遠近為 宴族人楊八宅序

吾道不行則同舟之人可以成胡越夫俗徒擾擾天下喧 僕聞八音繁會合其德者宮商萬壑沸騰殊其流者涇渭 喧風雲竭而交道衰勢利行而小人長固知深期罕遇所 方以類聚物以羣分出言斯應則四海之内可以爲兄弟 先王之德獨遊山水高步煙霞諸侯聞之而願交三公禮 欽定全唐文《卷一百九十一一楊炯 代五公之緒秩天資學業口談夫子之文日用溫良身佩 在兹乎楊八官金木精靈山河粹氣一門九龍之紱冕四 之而爭辟暫同流俗薄遊朝市人倫賞鑑同推郭泰之名 以縱傾蓋之談高契難并所以泣相知之晚道之行也獨

季於山原和風滿於城闕遙遙别館花開玉樹之宮望望 大矣哉文之時義也有天文焉察時以觀其變有人文焉 若使陳雷可作攝齊於原無之間管鮑再生擁篲於高門 之間戰勝形骸之外雕蟲壯思則符彩驚人非馬高談則 鏗鏘滿聽亹亹然信天下之奇賞陶陶然誠域中之樂事 好事相趨畢詣揚雄之宅爾其年光六合草色三春膏面 之外蓋因文會其記良遊人賦一言同裁四韻 八川苔發横溪之水當此時也披雲霧傲松喬坐总樽酒 王勃集序

飲定全去之一人的写七十二 馳倏忽倜儻紛綸鼓動包四海之名變化成一家之體蹈 汩 以通其粹仲尼旣沒游夏光沫泗之風屈平自沈唐宋宏 立言以重其範恩年滋久遞為文質應運以發其明因 求蟲篆未盡力於邱墳或獨徇波瀾不尋源於禮樂會 羅之跡文儒於焉異術詞賦所以殊源速秦氏燔書斯 相因繼之以顏謝申之以江鮑梁魏羣材周隋泉制或 沿革循古抑揚多守律以自全罕非常而制物其有飛 起更失於風騷僶俛大飲未恭前載泊乎潘陸奮發孫 天喪漢皇改運此道不還買馬蔚與已虧於雅頌曹王 楊烱

雲入思叶張左於神交故能使六合殊材並推心於意匠 晉室南遷家聲布於淮海宋臣北徙門德勝於河汾宏材 其先出自有周濬啓文明之裔隱乎炎漢宏宣高尚之風 聞 侍讀大業末 非君之博物孰能致於此乎君諱勃字子安太原祁人也 **丽賢之未識探先聖之不言經籍為心得王何於逸契風** 出達 方好事成受氣於文樞出軌躅而驟首馳光达而動 風睹與起子道唯揣摩三古開闡 人間時祖父通隋秀才高第蜀郡司户書佐蜀 シーラニーフー 退講藝於龍門其卒也門人諡之曰文中 風始擯落於都 俗

之暮年遂起參元之數君之生也舍章是託神何由降星 談可見居難則易在塞咸通於術無所滯於詞無所假幼 然孝本乎未名人應乎初識器業之敏先乎就傅九歲讀 能兼百行而為德司馬談之晚歲思宏授史之功揚子雲 钦定全害文、长一百九十一 楊桐 顏氏漢書撰指瑕十卷十歲包綜六經成乎养月懸然天 辰奇偉之精明何由出家國賢才之運性非外獎智乃自 合二縣令為齊州長史抑惟邦彦是曰人宗絕六藝以成 得自符音訓時師百年之學旬日兼之昔人千載之機立 終激揚於荀孟父福時歷任太常博士雍州司功交趾六 為寶正平之作不能奪也咸亨之初乃參時選三府交辟 宮乘尼側目應劉失步臨秀不容尋反初服遠遊江漢登 第拜為朝散郎沛王之初建國也博選奇士徵爲侍讀奉 文海內驚膽所製九隴縣孔子廟堂碑文宏偉絕人稀代 作之程神機若助日新其業西南洪筆成出其詞每有一 教撰平臺鈔略十篇書就賜帛五十匹先鳴楚館孤峙齊 劉公巡行風俗見而異之曰此神童也因加表薦對策高 降岷峨觀精氣之會昌翫靈奇之肸蠁考文章之跡徵造 有釣衝之略獨負舟航之用年十有四時舉斯歸太常伯

求補號州參軍坐免歲餘尋復舊職棄官沈跡就養於交 書以龍朔初載文場變體爭構纖微競為雕刻 株之金玉 舊章朝朔羣藝隨方滲漉於何不盡在乎詞翰倍所用心 富貴比於浮雲光陰踰於尺壁者撰之志自此居多觀覽 此馬長卿坐廢於時君山不合於朝豈無媒也其惟命乎 龍鳳亂之朱紫青黃影帶以徇其功假對以稱其美骨氣 STATE TO STATE OF THE STATE OF THE 疾解為太人陸季友時為號州司法盛稱宏農藥物 契而推一 盡剛健不聞思革其弊用光志業薛令公朝右文宗託 變虚照鄰人問才傑覽清規而輟九攻知音 多问

之士翁然景慕久倦樊籠咸思自釋近則面受而心服遠 多员全唐文 卷一百九十一 與之矣知已從之矣於是鼓舞其心發洩其用八紘馳轉 固紛繪小才失金湯之險積年綺碎一朝清原翰苑豁如 怒以為資長風一振衆萌自偃逐使繁綜沒術無藩離之 彌堅大則用之以時小則施之有序徒縱橫以取勢非鼓 以兹偉鑒取其雄伯壯而不虚剛而能潤雕而不碎按而 於思緒萬代出沒於毫端契將往而必融防未來而先制 動摇文律宫而有奔命之勞沃蕩詞源河海無息肩之 林增峻反諸宏博君之力焉獨枉過正文之權也後進 地

思之雄宗也妙異之徒别為縱誕專求怪說爭發大言乾 發於樞機吸精微者亦潛附於聲律雖雅才之變例誠壯 廣其靈已逾江南之風漸成河朔之制謬稱相逃罕識其 片言而忽焉高視假其一氣則邈矣孤騫竊形骸者旣昭 之過重增其放豈莊周之失唱高罕屬旣知之矣以文罪 則言發而響應教之者逾於激電傳之者速於置郵得 而总返迺相循於獨步豈見習於通方信譎不同非墨 扣純粹之精機未投足而先逝覽奔放之偏節已帶心 日月張其文山河鬼神走其思長句以增其滯客氣以 易啊

贖之所宗隨時以發其唯應便稽古以成其殆察微循紫 我其可得乎君以為楠藻雕章研幾之餘事知來藏往探 欽定全唐文·卷一百九十一· 思宏大易周流館乎八索變動該乎四營為之發揮以成 宫於北門幽求聖律訪元扈於都洛響像天人每覽幸編 言旣乘理而得元亦研精而徇道虞仲翔之盡思徒見二 之寤而循環思過半矣於是窮者蔡以像告考爻象以情 爻韓康伯之成功僅踰兩繫君之所注見光前古與夫發 天地之秘藏知鬼神之情狀者合其心矣君又以幽贊神 解嘗因夜夢有稱孔夫子而謂之曰易有太極子其勉

語各以羣分窮源造極為之古訓仰貫一以知歸希體二 明非杼軸於人事經營訓導迺優游於聖作於是編次論 欽定全唐文《卷一百九十 春秋門人薛收竊慕同為元經之傳未就而殁君思崇祖 成大典以贊孔門討論漢魏迄於晉代刑其詔命為百篇 之將散知吾道之未行循歎鳳之遠圖宗獲麟之遺制裁 而致遠為言式序大義昭然文中子之居龍門也睹隋室 德光宣奥義續薛氏之遺傳制詩書之眾序包舉藝文克 始元年至隋開皇九年平陳之歲聚貶行事述元經以法 以續書甄正樂府取其雅奧為三百篇以續詩又自晉太 楊烱 占

前經銷風骨皆九變之雄律也弟助及勛總括前藻網羅 我有涯先謝春秋二十八皇唐上元三年秋八月不改其 見行於代君平生屬文歲時不倦級其存者緩數百篇嗟 易竆乎晉卦又注黃帝八十一 樂顏氏斯殂養空而浮賈生終逝嗚呼天道何哉所注周 融前烈陳羣稟太邱之訓時不逮焉孔仮傳司寇之文彼 促齡村氣未盡殁而不朽君子貴馬兄動及勒磊落詞 功矣詩書之序並冠於篇元經之傳未終其業命不與 一時之健筆焉友愛之至人倫所及永言存殁何 難幸就其功撰合論十篇

欽定全唐文 卷 百九十一 楊 然學涕究而序之分為二十卷具諸篇目三都盛作恨不 昌西郡縣廣漢封疆岐蟠地德參井天光作固作鎮西南 戶於生前七志良書空撰得於身後神其不遠道或存焉 **清如之接翰紀文成所未忍蓋以投分相期非宏詞說** 國 方設官分職鷄鷺成行 公四代不渝淳則學以自新政惟柔克自君去矣南浮 日往月來吏人思德 州官僚贊 岳州刺史前長史宏農楊諲贊 楊炯 五五

清岭士元之才一日千里 恂恂梧桐生矣君子當仁 州之端右必得其鄰始皇之裔厥姓惟秦其明察察其政 大夫李溝振振公族就養承顏閨門雍穆莅官行政人無 馬柱國下成桃李永安之孫高平之子肅肅宗廟嚴嚴 朝散大夫行司功參軍事淄川縣公隴西李承 司馬上柱國隴西李景悟費 長史河南秦遊藝贊 業字溝贊

致定全唐文 (卷 百九十 楊炯 思溫吉士地藉東吳功成覆實業就編蒲愛猶冬日問若 博陵崔暈文儒代有其德不愆其言不朽發揮談論抑揚 琴酒知微知章可大可久 高平祖德勳伐受氏因生 怨謝貴而不驕能保其祿 大辯若的愿官有聲是司出納我庾如京原承道濟家在 司軍參軍事濮陽吳思溫字如玉贊 司戸參軍事博陵崔雖贊 司倉參軍事高平獨孤文字大辯費 六十十

宇文周後累代乘軒樂然後笑時然後言用刑勤恤斷獄 明珠州中煜煜此之謂乎 顏 載籍善與人交歲寒無易 李宏門胄衣冠赫奕氣蘊風霜心如鐵石討論詞翰沈 平反高門可待東海無冤 氏之子開閉大智雅善元談尤長変思不偶流俗坐忘 司士參軍瑯琊顏大智贊 司兵參軍隴西李宏贊 司法參軍事河南宇文林裔贊

參軍王復真多俗少琴動遊魚詞驚夢鳥仲舉志大夷吾 謙謙曼伯不踰規矩節用厚生保家之主 懷義倜儻該諸取容幕天席地何去何從 器小德義可尊人之師表 事同彼少遊能安下位 參軍事太原王令嗣字復贊 **參軍中山張曼伯贊** 参軍事上柱國榮陽鄭懷義贊 參軍事盧恆慶贊

欽定全唐文 卷一百九十一 承慶學稼食惟人天載懷充國遠事屯田 尚文儒者優游禮樂萬項汪汪混之不濁 恆慶有地參卿逃職多士之林不扶自直 **荷數寡悔開國承家當歌對酒屬賓烟霞** 令賓茂緒凝脂點添淑慎温茶始終貞吉 **參軍事通化縣男河南賀蘭寡悔贊 參軍事滎陽鄭令賓字儼贊** 博士尚文贊 參軍事扶風馬承慶贊

水鏡化若有神途歌里詠蜜就為辛其身自正極深研幾窮理盡性朗如日月清如 克勒無怠敬慎有儀清談振王妙跡臨池絃歌百里君子 惟彼忠義見賢思齊出言無玷南容白圭 攸宜公家之事知無不為 鹽亭縣令南陽鄒思恭字克勤贊 數縣令扶風竇就字思謹贊 元武縣令孫警融贊 錄事呂忠義贊

欽定全唐文 卷一百九十一 警融好禮宣風下邑百姓安居流心畢集 安定梁敬有文有武馬繁青絲弦門白羽 澄為主簿操綱振領直而能溫寬以濟猛 元辯精銳風生筆端片言折獄 希嬴頁劍久事我韜功名不立 州縣為勞 **數縣丞安定梁歆字敬贊** 通泉縣丞上柱國于梁客字希嬴贊 射洪縣主簿上柱國斛律澄贊 射洪縣尉康元辯貲 移が 尉當官

次定を事とした一丁山上 懷土歸欺歸數自衛反魯 吾少也殿信而好古遊宜邊城江山勞苦歲幸云祖小人 思明好學博古知今友朋干里風月招尋 文裕就列明經擢第優哉游哉聊以卒歲 辰之歲正陽之月有數縣宰扶風實競字思脊昭宣令 梓州惠集作義寺重閣銘并序 飛烏縣尉王思明贊 司法參軍楊烱自贊 飛鳥縣主簿蕭文裕贊 楊炯 1,13

龍角右參旗前太微後營室駢羅列以雜沓瑟蕭條而清 桷之未立吁嗟楝宇之其修不拾有為取諸大壯觀夫左 電形勢虔心淨域乃與禪師釋智海心言契道寓目於長 而垂樂玉堂石室千門相似壁殿珠毫十方皆現慷慨 如棗葉下望須彌裁同芥子飛流滴憑而成響喬樹璀璨 平之山接飛並陟峭崿削成千仞壁立萬尋俯觀大地 萬棋乍合作離待有粲粲絢絢燥燥六采五章或同或 光闡化飲庶政惟和萬民以理閉庭不擾退食自公遠 一磊落以晃朗下泓澄而靉靆參參差差森森纜纜 と 月ラーえニモナー

壁璇 諸佛所遊根香作經行之地亦未可同年而語也夫黃金 散莽如天覆矗似雲平金火合舍於垂珠日月相望於街 鏤將曾不若四攝之門青石為牆曾不若三空之舍彈百 帝之宮兩曜城池五雲樓觀輪王所處純金為說法之堂 精登之無階心皇皇而失度若士朔九垓之表仍不速於 暑 **霞豐隆為雷砰鏗割於軒檻列缺為電衛智霍於庭除寒** THE STATE OF THE S 一樂大章窮四海之間猶未離於前城借如梵天之宅釋 隔閡於牆垣虹霓迴帶於廊無仰之不極目炫炫而喪 **墀釦砌平接太階玉戸金犀俯臨闆闆曳紅日舒丹** 易阿

欽定全唐文《卷·百九十 觀嚴淨道師方便化作一 間 **措紳先生牧於東郡繩屬吏有公於獄者某適次於座乘** 工之力建七寶之樓豈徒然哉良有以也故如來神力且 長平山兮建重閣上穹窿兮下磅礴紛被麗兮駢交錯嚴 相今沖寂寞誰所為今天匠作 寳所其銘曰 諮其所以為公之道先生曰吾每窺辭牒意其曲直 而可以徵於小是則毗 公獄辨 一城事有古而可以質於今言有 耶四會俱發道心險路界人 オル 人成

君 席之末不敢以非是為決及退而辯其公且傳曰君所謂 長 否臣獻其可君所謂可臣獻其否是欲彌縫其不至也及 欽定全唐文 卷一百九十一 烏有不盡其辭而能必究其情乎使居上者得其情屬踵 王鮒從君者也所以知詢於愚或有得也尺先其寸或有 亦隨而勒之取協於意所謂明於不法為可謂公哉且 也皆庸其涓滴將助其廣大也況末世織狡內在外 付之彼能立具贖無不了吾意亦可謂盡其公矣某居 詰之可謂合於理未足言公也若居上者異於見遠於 可亦可君否亦否故平仲罪邱據踵君之意叔向饑樂 楊炯 歪

不泥久而不亂也若乃告諸獄任意以為明其屬徇已以 哉嗚呼欲人之隨意者吾見亂其曲直矣樂人之附已者 不師古之言非不可為也為之不能遠不由禮之事非不 為公是使懷倖者有窺進之路挾邪者有自容之門矣別 可行也行之不能久故君子盡心法古動必本禮將遠而 吾見汨其善惡矣而猶伐其治譽其公無乃瞽者衒別諸 **藜棘之內辛楚備至何須而不克而況承執政指其所欲** 五色乎

欽定全唐文 不卷 有九十二 欽定全唐文卷一百九十二目錄 楊烱三 少室山少姨廟碑銘并序 遂州長江縣先聖孔子廟堂碑 大唇盆州大都督府新都縣學先聖廟堂碑文并 序 目錄

之重及其山崩海竭日薄星迴悉數不還調豁遂遠元子 月備物致用莫大乎聖人夫子諱某字仲尼魯國鄉人也 五十二戰權與縣帝之基二十七征草珠馳王之業平域 **龜龍負讖帝鴻驅八翼之軒魚鳥呈文天乙降三分之璧** 欽定全唇文卷一百九十二 法象莫大於天地變通莫大平四時懸象著明莫大乎 楊烱三 之禍亂掃天下之處劉以盛德大業之尊當開階立墜 遂州長江縣先聖孔子廟堂碑

蒼陸淨光童子來遊姬旦之郊乾象明靈下俯庖犧之 微於闕里龍準而龜背月角而雷聲有軒帝之殊姿有殷 嘗登委吏稍踐中都天下可臨諸侯取則以之禮而國定 十五而志學三十而有成申下問於伯陽屈帝師於郯子 賓周而建國二王之車服可尋上卿翼宋而承家三命之 欽定全唐文《卷一百九十二-楊炯 衣冠再襲是故陰陽混合洩符瑞於平鄉宇宙氤氲灑休 司空之官以成禮以之義而國平司寇之官以成義堂 天為木鐸九州知發號之期吾豈匏瓜一國有來蘇之望 王之異表山開通甲尼邱落於紫垣星掌巫咸鉤鈴墜於

林於夏典物得其生聽獄訟於秋官人总其死大夫亂法 **旄不列擅場之位當斯時也三光薄蝕九土分崩夷狄有 敘君臣明長幼用能使犧牲和绝不登關閩之庭羽戟旌** 之餘風已墜河圖未出吾道不行周流八方經營四海治 欽定全唐文《卷一百九十二 兹臨大難而無懼使仁者必信安有伯夷使智者必行安 之至和猶有匡人之逼德生於我樂天命而何憂文不在 亂運也窮通命也荷天下之至聖仍逢盗跖之軍仗天下 君中華無禮周京赫赫成康之至教夷聞魯國嚴嚴賢聖 行兩觀之誅陪臣執權卽問三难之罪强公室弱私家 楊炯

有王子豈三千擊水牛蹄不能鼓橫海之鱗九萬摶風雞 之覆邦家樂辱定於樞機褒貶存乎簡牘精誠密召北辰 龍馬之圖三月聞部城帝鳳凰之典信存乎德術數貫於 禮樂損益可知觀紀宋之文章賢才不足數年學易伏義 之輅服周之冕或屈伸於季孟之閒或動靜於魚龍之際 身人之莫蓮則一言可以心國惡鄭衛之亂雅樂惡利口 神明意見乎時制作体於造化已所不欲則一言可以終 羽不能扇垂天之翼然後上不臣天子下不事諸侯乘殷 下學而上達將聖而多能博而無名信而好古察般周之

啓漢之朝音叶宮商預察公秦之兆星移大火追責天司 極而金聲坐於緇惟之林浮於直州之海門生七十仰天 故見天地之心有感而遂通不行而克至年當甲子潛知 開紫掖之星福應全來中極數元雲之氣乃若知幽明之 惠公集隼之庭驗蠻夷之貢賦然後歷三辰而王步照四 能精非常之動南遊楚國遂聞衰鳳之歌西符曾郊獨 王之至德行矣配乎二象不能遷必至之期參乎兩曜不 路以無陷弟子三千望宮牆而不入哲人之能事畢矣先 月入陽街無勞兩備季桓子類羊之并推水石之禎祥陳 欽定全唐文人卷一百九十二 楊烱

學校者愈折衷於夫子自韋購玉歷義幕瑶圖皇天無阜 琴書於十代秦始皇見登牀之識始亂衣裳魯恭王看壞 行於五十年刻石之風未泯述文武者皆憲章於聖人修 壁之書猶聞絲竹漢圖起於六千日賜金之禮載優魏德 歲泰山頹而梁木壞微言絕而大義乖傳變祀於百家奉 傷麟之泣夫子周靈王二十一年冬十月庚子生至會哀 白之徵戎狄起豺狼之數推六律絕笙年塞師曠之耳天 下之人廢其聽矣散五彩滅文章膠離朱之目天下之人 公十有六年夏四月已丑卒凡享年七十二於今一千餘

欽定全唐文 卷 百九十二 楊州 壓華夷照文物於龍蛇之代太宗文武聖皇帝昇瑶壇於 雲行雨施品物流形天尊地卑乾坤定矣若乃虞夏商周 封泰山而禪梁甫千載同歸做衢室而築明堂百靈成扶 星連月合層臺有觀朔之勞海晏河移直筆有書祥之後 紫微光帝宅之尊戴黃屋以深居赤縣列神州之貴今上 曲洛受玉版於平河經天緯地盪海夷嶽坐元宮而密轉 心風起北方月行中道削平宇宙戢干戈於羊馬之年彈 點其明矣我高祖神堯皇帝因三靈之寶歷籍萬國之歡 天無私覆道不虚行馭六氣而平太階乘八風而制羣動 四)

門鍾豹變之榮襲五公而長驅四代赫蟬聯之祉出忠 軍之子朱宮帶地明河一章之西黃闕中天神嶽干花之 存之敬長江令楊公宏農華陰人也即華山公之孫大将 乾封元年有認追贈夫子為太師咸亨元年又詔州縣官 拂日映高柳而對扶桑園海澄天走紀池而涵象浦粤以 之禮考正朔而三遷東西南北之人混風聲而 而無朽如綸如綽大君施號令之嚴匪樸匪雕上宰極司 司營華學廟憑風雲於異代照日月於殊途逝者有知發 山川壯麗於區宇人物繁多於海內齊九龍而闊步 變環林

門嘉瑞斯羅濟濟千金之子是故北方多士太一壯其魁 孝誕秀與賢冠益城邑池臺鐘鼓英靈輻輳鏘鏘萬王之 寶氣汝陰徐令人號無雙河內王君時稱未有飛雪千里 大臣矣韓尚書之臨八座發跡下邳卓太尉之踐三階來 梧南國仙人中書偉其端雅椅桐可仰丹漆兼施照明月 從密縣自操刀入仕聞魯邑之絃聲解剱分司察豐城之 於質懷吐清風於襟袖擬武仲之智下莊子之勇可以爲 次定主事文、长二年七十二 暴客常嚴鉅野之兵絕磴奸豪每縱黃池之號數州常以 不能改松柏之心名都十城不能動夷齊之行先是殊方 楊炯

坑穽無處更似童君之邑自非愛人猶子視物如傷豈能 按東海之金刀飛北斗之石箭岡巒不擾有符劉孟之城 吏之災都市三言終有山君之暴公雄心裂皆壯髮衝冠 謀獨斷銳氣無前奮一劔以戮元兇馳單車而躡遺噍道 躬斬兇渠親除災害與夫赤繩不用道被於瑕邱桴鼓 星象而垂文江漢驅毗鼓風殿而作氣城門六閉未防虞 旁牛馬並屬羅衛縣內神明皆稱傅炎若乃山林猛獸動 為弊歷政所不能移行人為之聚眾耕父由其釋耒公英 聞化移於京洛可同年語哉然後示之以禮義陳之以库 とようとオニアフニ

序憑三時之閒暇與役鳩工視四野之川原依城負郭青 泥險磴斜連白馬之關亦岸長波遠注黃牛之峽懸四方 牆數切吐納雲霞椽柱三間蔽虧風雨瑠璃晓闢東宮雀 然似矚東流之水博士助教某等西州聞望南國英靈駭 保星文堂堂日角真不向之如在疑遊北上之山望之**嚴** 生赫符彩於連珠宏姿可想至於月衡月準山額山庭仍 目之窗玳瑁朝懸西漢她蘇之梅圖光芒於北斗聖質循 德背山臨水掩全蜀之膏腴望日占星採公宮之法度升 而開益部照參伐於天光賦三錯而關梁州絕岷幡於地

一欽定全唐文、卷一百九十二 等青田戒露望華葢而長鳴綠地生風下仙閣而直鄉大 等王孫獵騎賜原隰之盤遊公子文鋒敘江山之體勢符 德濟濟時英聖人千載之風儒者一都之會丞主簿尉某 夫貞節還居內史之丞文學明經猶歷南昌之尉鄉望某 歌在側還昇武騎之臺禮樂居前重覩文翁之室祁祁茂 習諸侯之禮華陽曾子鼓篋來遊蜀國顏生摳衣請學經 部幽通思入璣衡之表每至韶光令月朱鳥乘春爽氣高 天元龜送歷瓊遵王豆中堂奉先聖之儀石磬金鐘南面 飛免於文場躍雕龍於筆海揚雄博識神遊象繁之端李 楊炯 欽定全唐文、卷一百九十二 偉明以都官謝職逢有道而相推趙元淑以郡吏從班 學小人在簡不知所以裁之夫子文章今可得而言也詞 嗣是則雕牆峻宇列冠益於宜城塞陌填街考春秋於太 門人於相國各禮春詩之化再造雙川淹中稷下之風 司徒而不拜愈以鄉閣少事風月多懷命童子於靈臺就 匡三蜀若夫平南壯烈沈流水於裁碑逐北勳庸登燕山 存白瓦况乎功苞大象績被蒼生豈使銘典闕如音塵不 而刻須庾太尉新亭之墓尚有黃金鄭康成通德之門銜 楊烱

西崑王闕南海金堂惟惚惟忧一陰一 茫茫太極天帝神州地皇驟連上古混沌中央降及軒項 文行忠信恭儉溫良或默或語能柔能剛學而不厭師亦 積善其何以昌降靈鄒邑誕哲平鄉月角摘彩星鈴吐达 不綱山河命德天地與祥禮樂三變文明一匡原承少典 終於夏商四時玉斗五緯珠囊聖德干載淳風八荒天開 天子穆穆諸侯皇皇春秋代謝宗社危心帝典無象人倫 亦錄日照青光識協金匱兵符玉璜化隆文武澤威成原 敬成湯吹律丹鳳銜符白狼三仁去國再命循牆不有 一陽三辰赫赫九土

钦定全害文 卷 百九十二 楊炯 雅頌鏗鏘紫麟遙集丹鳥遠翔生靈水火家國舟航功符 則藏季孫大齊敬叔榆揚問官郯子受樂師襄神明協贊 春雨威若秋霜男女斯别尊卑克彰時逢板荡運屬栖遑 神交帝唇攝官從事服冕端章示之以德臨之以莊澤如 書開壞完識識登牀與代輕重因時弛張氊裘黼黻沙漠 **壇場幾衡慘慘載籍膏肓汾河水白晉野星黃軒電臨斗** 何常通禮明德尊賢毀方古之君子昔者明王道協公旦 日月德協天長條嗟崩嶽奄歎摧梁昧昧神道悠悠彼蒼 入齊損味居陳絕糧登山極目臨水徜徉無道斯隱舍之

為為蜀門荷戟江津監賜落星高堰明月回塘丹碑不朽 滄浪絲言浜汗經華相望夏井蓮植秋窗桂芳繡楹文非 高門程鄭碩學王楊威儀秩秩宮徵珍珍山棲鳥鳥水 綺級明瑞四注飛閣三休步廊禮行釋菜敬盡明鄉圖非 有若地異空桑伏羲書契女媧笙簧匏土金石珪琮璧璋 墨寶號金箱靈山地輔德水天演芝蘭秀出羔鴈成行 雷入房九園臣妾八極城隍東序西序上库下库專惟 匣孤剱瑶臺騙驦懲奸挫右濟猛移蝗風傳積石道被 ・ ラニ フーニ 次色自動と、まこりに 識以希微六羽提衡驗星謠而汗漫泊乎尊盧赫胥之代 横上帝之居鳳穴西臨王室考元皇之宅五龍乘正按天 州巨塊不能秘生成之業聖人有以見天下之蹟擬諸 容聖人有以見天下之動行其典禮靈圖廣運百姓日 而不知神理潛行萬方樂推而不厭古者熊山南眺金崇 之野迴七星於上列太清不能潜混於之機環四海於中 曰銀衛用九天門壓西北之荒銅益虚三地户圻東南 入唇盆州大都督府新都縣學先聖廟堂碑文 揚炯

君王異表儀石紐而法丹陵輔相宏資壯皋陶而圖子產 靈降奎婁胃昴風驅白虎之精角亢房心雲鬱青龍之社 由是千年有屬萬物知歸乾坤合而至德生日月會而明 驪連栗陸之君皇名邁於上元帝圖始於中葉莫不憑三 金牙子是了一卷一下九十二 禽歷數推移於景毫之都而白馬旗常赫変於風印之國 無得而稱馬巍巍乎其有成功者也若夫司徒立動於天 無位博而無名大禮由其再造大樂出其一變蕩蕩乎民 靈之實位鼓舞陰陽藉六合之尊名財成宇宙未有貴而 地還承帝嚳之家微子開國於商周仍篡成湯之業雖元

東山之曲非天下之至精其孰能與於此神冥造化德合 志惟幾也能成天下之務非天下之至神其孰能與於此 品之自然親者不識其靈仰者不知其德步三光於太極 陶釣獲沖用於生知運幽機於性道窮庶事之終始協庶 欽定全唐文《卷一百九十二 異節男女別途路無拾遺器不雕偽奸雄獨立初明兩觀 昭曜三門含萬象於中區聲明萬國惟深也能通天下之 之誅政教未行仍赦同挫之罪盟齊侯而歸四邑夷不亂 道尊德貴挫銳同塵始於中都宰然於大司寇能使長幼 止鑿就元象掏光达於北斗之宮括成地形騰瑞氣於 楊烱

敬叔之乘我也道彌尊矣於是歷郊社之所考明堂之則 華點季氏而覆三都家無藏甲非天下之至剛其孰能與 時非我與遂厄宋而圍陳道不吾行終樂天而知命非天 異國其為大也法象莫之能容其為高也黎元莫之能親 之霸故得三王不相襲禮心於寇戎五帝不相沿樂入於 於此青光歇滅赤發衰微一匡為海岱之尊一戰有河防 河海是以哀生靈之板蕩痛萬縣之分崩歷聘諸侯栖皇 下之至柔其孰能與於此泰山不辭土壤故能成其高治 不讓細流故能成其大自季孫之賜我也交益親矣自

欽定全唐文人卷一百九十二 書而與杖非天下之至文其執能與於比智以截主与或齡之户牖是故雷精日角開道德而握衣月類山庭奉琴 至明其孰能與於此極天蟠地之禮周旋揖讓之規百神變化之津河出圖而洛出書聖人悟與公之兆非天下之 而必通神以知來無微而不照論五行於帝輔潛觀大娘而必通神以知來無微而不照論五行於帝輔潛觀大娘 剛詩書而續易象動天地而感鬼神運百代之升車開千 金人右對仍觀太祖之階斧展前臨還訪周公之位然後 **東周日泛三江採謳謠於霸楚神無方而易無體聖人通** '先揆七廟於天災預察釐王之過星流十月徵歷象於 而與杖非天下之至文其孰能與於此智以藏往有感 揚烱

律十二管還相為宮至音將簡易同和廣樂與神明合契 至恭其敦能與於此五行四氣十二月還相為本五聲六點紅紫而無施飲上帝之明威處風雷而有變非天下之 序非禮無以辨君臣上下長幼之位本之於元氣徵之於 於是會昌二儀以之同節非禮無以别父子兄弟親疎之 盛於中國還陳武象之容在有四方自得文王之操南風 其孰能與於此悲夫日中則是動靜之常也月滿則虧 太古德足以法於九圍道足以周於八極服先王之制度 奏雅知大舜之溫北里宣淫體殷辛之暴非天下之至

欽定全唐文 卷一百九十二 於華月則知天之將喪也則知道之將廢也雖復額山壞 秋日禮乾泉暗而恒文乖禮壞樂崩獎倫戰而舊章缺**泊** 河失統九州之實幣不歸四塞提衡萬里之長城繼作星 備物致用立成器以為天下利者莫大於聖人也旣而三 爛百王知察變之機鐘石鏗鏘萬代挹希聲之樂信可謂 木兆悲歌於兩楹夏棟周牆陳盛制於三禮猶使文明炤 虚之數也自太平王佐委龍翰於芳年禮樂霸臣推虎 **聚成之厚級殷崇聖之榮班學校於是大興文武由其不** 夫碭山休氣潛膺亦帝之圖沛國真人密召黃星之錄尊 楊炯

壓年當晉宋運距周隋泰山覆而崑崙倒天柱傾而地維 寫於中黃之道混沌之無天無地盡入提封伯陽之有物 有象咸乘禮節太階三襲明瑞氣於朱符中極四游法 輝海重潤乾迴北列垂衣裳於太紫之宮日出東方備法 講武之場荆棘參天昔日作談經之市皇家撥亂返正應 惟填矣黔首何依王室蠢然着生無主問間下地今來為 絕三重亦軍還開爭戰之端千里黃埃府有干戈之務亂 雲決河海以澄奸下清釐極今天子握大象運洪鑪星重 順人故之以雷霆潤之以風雨馳機槍而掃穢上廓鵬

盛於是迴與轉佈臨由阜之郊畿駐蹕停鑒訪雲壇之軌 薦帝之祥鳳穴麟州晷刻因天之瑞乘與乃選吉日協靈 西山童子陳歌語於壁水之前南國老人受几杖於環林 之下乾坤之大德行矣皇王之盛節明矣江茆部黍晨昏 欽定全唐文 卷 百九十二 跡若使九原可作大君得廊廟之才千載有知夫子託風 南鄉神休而尊明號莫之與京按玉冊而考銀繩於斯為 辰韶風伯以行觀促雷師而出豫房為天駒仍施列缺之 光於王燭東膠西序雲閣蓬邱國號陶唐家成鄉魯遂使 為帝車即動招搖之柄奠玉帛奏金絲登介邱下梁 楊 炯

鐫辟煜窮妙飾於重欄山海高深盡靈姿於反宇門生 表納流雲於上棟白日非遙披濁霧於中階青天在鵬 於東魯梅梁桂柱深沈風雨之津鏤檻文槌曠望江山之 所立也因三農之服陳複道之規考幃帳於西京訪埃塵 零深非敬本宜令州縣速加營華新都學廟堂者奉韶之 未造者遂使生徒無肆業之所先師闕奠祭之儀久致飄 宣尼有縱自天體曆上哲合兩儀之簡易為億載之師表 雲之會即以乾封元年追贈太師禮也咸亨元年又詔曰 額惟寢廟義在欽崇諸州縣廟堂及學館有破壞并先來

繁霞於百尺之樓蛟浦澄澄洗明月於千秋之水文翁舊 學日往年歸劉禪平堂烟荒霧慘武侯龍伏猶觀八陣之 禮敬於質明奠椒桂於中尊敬神明於如在爾其邑居重 月草樹華滋地陸三秋風煙搖落莫不列蘋繁於上席行 之奧壤大都督周王天皇第八子也元元繼天而作降仙 圖壯士弛崩仍辨五丁之石左巴右縣之勝域陸海三江 **複原野平無出江干之萬里入參星之七度龜城藹藹煥** 才於玉斗之庭武昭應運而生開霸業於金城之域五黃 侃如倍文杏之壇胄子鏘鏘若預崇蘭之室每至南方二· 楊炯

嚴令而非常桓温貴遊無都公而不樂縣令鄭元嘉榮愚 之逸羽始踐題與管公明絆東道之雄姿初臨别乘朝議 申侯太岳鎮其監襟傅說長河昭其神彩麗士元聚西申 族傳呼祭戟之祭玉質金相海若河宗之寶庾水清識得 重行實化於周南曹植以懿親之賢發金聲於魯北通議 高暎流滋液於成池十日旁羅散光華於若木星懸帝子 大夫行長史南陽來恆隋十二衛大將軍樂國公之元子 遙澄井絡之郊岳列天孫遠控彭門之野姬公以明德之 大夫守司馬宇文紀左衛將軍靈州都督之次子台門號

懷愛等荆藍灼樂鄧杞扶疎許元度入風月之清關郭林 人足上五大人人 諸生受詩書於北面泮宮之上更開通德之門小學之前 喬元而等列博士張元鑒助教費仁敬等碧雞雄辯則治 忍京光幸德工主簿扶風馬仁礪尉清河張嗣明北地傅 海沸騰白鳳宏辭則煙霞噴薄一州聞道親居典學之官 宗獲神仙之妙境南昌晦跡共梅福而齊衡左部韜真與 尺兵不用瑕邱有上德之君抱鼓希聞洛陽有神明之字 四子乘風來聽中和之曲圓冠列侍執巾舄於西階大帶 人也東周王裔北海金宗列矛戟之森森吐風流而待猜 楊烱 上五

金をとろって、ラニーラニ 復見華陰之市鄉望等魚文驥子震耀於平原漢女巴姬 幾衡莫測下問書生陽精之遠近未知來求小子當仁不 大虚寥原洪鑪噴薄上級三宮旁清八絡元精獨化聖 平之號莫不公私務隟卽聽故歌陰雨時閒仍觀俎豆逍 財羅於甲第杜陵亭長終成輔相之才桐鄉嗇夫且著廉 攸作鳌柱為居龍門是託爰清爰淨惟寂惟宴其龜識韜 讓思齊於上古之名遊聖難言有處於中郎之石其醉曰 遙城郭拜夫子之靈祠髮解風塵見夫子之遺像天道之 名魚圖表靈火紀雲紀天正地正君臣禮制宇宙輝明之

龍騰雲逝三元載停萬方位濟三魯道既昏縣縣若存禄 遠系鐘石雖遇山河不替乾坤降德陰陽合契虎嘯風清 武既没成康遂行羣飛海水若羽天星二王筐曾商金符 諸侯走聘至於是邦必聞其政仁義立身溫恭成性不圖 溫義青齊國刑懲季孫其多能惟聖道廢惟命天下莫容 移公室政在私門學而方仕謙而彌尊聽之也屬即之也 準升堂共智周通塞神兼語默煩然而長黯然而息漢承 為樂然悲擊磨五九野八方栖栖遑追從周返魯考夏觀 商先王道術夫子文章可久可大為龍為光星衡入室月 trading to the trade of the 易啊

精應符載揚風教重闡規模數遷三國年當五胡星达夜 我求蒙北辰之北東海之東百王遺訓萬世餘風其時込 欽定全唐文·卷一百九十二 禮樂崩頹典章殘朽萬邦請命三靈授手九日角昇圖星 七萬象皆尊千靈共同惟變所適居常待終樂天知命匪其 九五爰有列聖重規襲矩其十我君文思念兹在兹金鏡 不哉文皇照靈下土地維房級乾紘上補紀化三千龍飛 王斗運鍾陽九周井龍沈秦原鹿走生人卷舌道路鉗 問運胡心泰國察往知來研精茂德無必無我自南自北 日暈朝枯環林推折壁沼荒無其赫矣高皇粤若稽古

冀得意而念象其十 置簋庭羅絲石三 地接臨邛山橫劔奉滇池躍馬洱澤 載垂仙海廣創靈祠其十披圖按籍遠求陳跡玉檻煙開 蟠龍中望擊節高門叩鐘陰靈肸劉文雅雅容書池必變 となるこれコート 一人 のたっしてい 梁木斯壞吾將安放異代風行殊途影響敢立言而徵聖 坐席常重其十个還古往寂寥無尚泰山旣頹吾將安 金窗雨闢將儀品品雲居寂寂弟子摳衣門人避席階 八海珠囊四時三雅九室秋禮冬詩絳帳語道青於質 少室山少姨廟碑銘并序 楊啊

簣共工觸皇天之八柱未足擬議龍伯釣溟海之三山 階想像考於含神霧白玉猶存驗於山海經黃花不落 金百百月了 第二百九十二 地 然後羣神受職少室山者山岳之神秀者也憑河圖而括 地泰山東南之日觀也則素皇刻其石銘漢帝探其五策 四海為家擁神休尊明號協時月同量衡必致山川之 臣聞崑崙西北之天門也則五帝處其陽陸三王居其 ·似削成而四方北臨恆碣猶如聚米南望荆衡繼同覆 知建都邑正方位劃崇墉刳濟洫必憑天地之險然後 用遁甲以開山發揮宇宙之精噴薄陰陽之氣壁立

欽定全唐文 卷一百九十二 戚之班比西京之列傳惟幾不測其道無方轉神變而揮 娶於塗山家室所以成其德后宗之位象南宮之一星外 書地理志嵩高少室之廟也其神爲婦人像者則古老相 所合雷雨之所交仰躔七星之野俯鎮三河之曲朝市臨 傳云啟母塗山之妹也昔者生於石紐水土所以致其 於城中樞機正於天下六合交會於是乎有天帝之下都 霍降精靈而於盤亦猶蔣侯三妹青谿之則跡可尋處帝 九州名山於是乎有靈仙之窟宅臣謹按少姨廟者則漢 名有序則太室西偏其位可知則嵩高佐命若乃乾坤之 楊烱

是平鍊其五石東西南北之失位則神農氏立之於是乎 奄有大寶遂登神器天地水火之無象則女媧氏補之於 沾衣非復紅歌之地國家乘天造之草珠屬人謀之與能 於是莫修八神以之無主炎凉代序寧觀俎豆之容霜露 崖獨有金臺之異若斯而已矣時更魏晉數歷周隋四望 於西宮夫人館於南嶽山臨白岸空聞石室之靈浦對青 甄其四海天皇貴與天平合德富與地乎侔貴窮變化之 理盡神明之數伏儀畫卦唯觀鳥獸之文黃帝垂衣蓋取 **妃湘水之波瀾未歇何止祠稱丁婦廟號滕枯少女宅**

象魏懸書之法下應猶草王言如絲北辰而拱衆星南面 陽有飛龍之樂始會八風帝舜有儀鳳之音初調九奏后 聖有亂臣者十人則太顛閣天若夫圓邱方澤所以享天 次定全書文·卷一百九十二 之官考處夏之質文定殷周之損益其大禮有如此者高 神地祇複廟重擔所以序文昭武穆命秩宗之位分太字 夔典其教制氏辨其聲鐘磬笙等致其和尊卑長幼成其 序其廣樂有如此者太微營室明堂布政之宮白獸蒼龍 風飲銀膀嘉聲茂君親之典禮稱才子者八族則叔獻季 乾坤之象利兼於成器功局於備物瑶臺美化闡邦國之 楊烱

漢氏之召諸生初開太學辟雅所以行其禮泮宮所以辨 寰瀛於軌物其恤刑有如此者周人之養國老始關西膠 其文德有如此者凉風至司馬於是乎陳兵太白高將軍 其教童子五尺羞稱霸后之臣冠者六人惟述明王之道 於是乎宜戰乘斗杓而誓旅出星門而杖鐵莊周稱天子 而朝天下其為政有如此者糾萬人者施之以八刑詰 万者戒之以三典畫衣不犯載酒無冤免禽獸於網羅 一級舉之按之呂望言聖人之兵如風如雨其武功有如 者稽其殷令有文犀利劔之効珍考其周書有兹白乘 ----

雲蕭索而合彩日月淑清而故旦豈直鳳巢阿閣入軒后 城隍陶侃之飛入八門未遊於仙室其疆理有如此者察 黃之聘力東漸西被南馳北走盧敖之窮觀六合不出於 囊括混沌發揮生靈大庭不足使慘乘聽連不足使扶穀 之圖書魚躍中舟稱武王之事業其休徵有如此者然則 **琦璣而乎大運天迴地游吹玉律而部人時陽動陰靜煙** 以為唐堯五載無聞太室之儀殷帝八遷未卜王城之地 昭帝王之盛節亦因天而事天猶復下聽與人旁求故實 可以會玉帛可以答靈祇行聖人之大孝旣郊祀而宗祀 Jan Jacks 1 11 1.11 易例

熒惑先列招搖在上隱天而動地飲野而數山旌旗則日 織栖兮雲楊光昭耀兮奪目桂楝兮蘭橑氣氤氲兮襲人 月運行鐘鼓則雷風相薄道伊闕據轘轅怡然肆望邈乎 是用陳圭置泉建周后之兩都部彈鳴變巡漢皇之中岳 皎日登於綺疏奔星下於閨閥珠簾瑇匣上高閣而三 人忘其勞詩者歌乎子來成之不日東西轇轕南北崢樂 務議工徒下龍蜀之名材致荆藍之實王易者言乎悅使 無文之禮於是降天浜命司存因其舊跡華其新廟詳費 周覽壯靈山之雲兩仍求載祀之經對開寢之邱墟思扶 定全唐文、卷一百九十二

豈直河庭貝闕俯瞰馮夷之都洛水瑶壇旁臨宓妃之館 聽之以和聲可以羞澗溪沼沚之毛可以奠潢汗行潦之 牧馬之童太一之徵少君直下乘龍之使夫峻極也天帝 因而會昌夫降神也景福由其與作於是乎昭之以明德 调 餘基隱弊仍知萬歲之亭古木摧殘尚辨三花之樹明公 水聪明正直唯鬼神而有知玉帛犧牲在誠信而無媳 一柱銀楹步長廊而中宿窮山海之環實盡人神之壯 1祀棟宇岩嶤仙女層臺風煙爛漫軒轅之訪大應先求 其嚴章重複圖戀左右青霞起而照天白露生而下地 即問

多定全唐文·卷一百九十二 中黃之素女華山之上明星遠燭陽臺之下暮雨潜通或 南箕風嫋嫋而先路潤之以西畢雨冥冥而洒道其始至 之吉靈之來與為旌兮翠為益雷為車兮電為策鼓之以 也若海靜山空瞳瞳雕雕昭白日於扶桑之東其少進也 瓊室以飛霞或銀臺而薦樂天孫忽降暫停支石之機神 嘯侶徙倚兮徘徊羣賢畢集祝靈咸至有西華之紫妃有 樂襲羅殼而飄颻建晨與之實冠踐遠遊之文履命儔兮 女相歡即起投壺之電左侍右衛則甲申之瓊石乙已之 移星轉漢燦燦爛爛吐明月於瀛洲之牛佩珠璣而

容斯備迴風兮雲旗入不言兮出不辭荷衣兮蕙帶條 大臣白臣七一名一年七二二 聲無紀由是三天降策有南霍之升儲八丈鐫銘有西王 來兮忽而逝惟神享德降百福而無疆惟撒即天視三公 制其詞曰 蘭蕭妍倡妙伎則憑悅之清歌幽靈之鼓瑟樂章旣関禮 御 中旁羅於寓縣山靈顯位密通於神州豈使令德不傳頌 而有典昔者夏后氏之乘四載會開宛委之圖周穆王之 服道魏國鍾繇之字惟勒歲年晉家張載之文遂成明 龍猶紀拿山之石况乎上照下漏地平天成人主宅 楊炯 1.11 而

皇家 常夏殷正朔德澤天外文明地角氣白星黃風搖露濁 鹽 璇宮夜敞銀牓朝開德象陰月聲符震雷山河翼戴星緯 天汾陽韶蹕觀人設教協時同律有感必通無文成秩其 上帝有命皇天無親樹之元后以收蒸人光宅六合懷柔 金岁 生 一十 老一下子十二 乘 **躋宗文祖武範圍三極和平萬宇率由舊章專若稽古** 百 梅能事畢矣乾元大哉五治定制禮功成作樂日月旂 神德成郊祀禮備宗禮其軒稱配永崑墟帝出堯號則 乾王母益地周公卜年三天子建德重規疊矩聖敬 敢聖受命於天上鍊五色旁疏百川開階運斗宅海 三

非馨條忽年代荒蕪廟庭其旁求祀典載垂天海始詔 夫人漢濱遊女洛 雨京畿甸五載巡遊 俄成壯觀紫稅星錯丹梁霞與似對青溪如遊白岸 定全唐文、卷一百九十二 居天迴地止霧歇雲除其十 去天三百帝休非遠真經可觀石室徘徊瓊膏滴瀝 由迴鑾躑躅寓目周流上鬱鬱靈鎮嚴嚴積石直上 赤豹電策雷車隱隱中道訇訇太虚遂停龍駕水託 地德神即陰靈瑤姬逐雨玉女隨星陰陽不測黍稷 川解佩天河弄杆顧慕招攜繽紛儔 馳驅太 楊 炯 部列蚩尤將見大隗爰 靈睒賜羣仙容與衡岳